



საქართველოს ეროვნული ბანკი
National Bank of Georgia

საქართველოს თვის პროგნოზი

2026

ინფლაცია	3
საბანკო სექტორი	5
საგარეო სექტორი	7
სავალუტო ბაზარი	10
ფულადი ბაზარი	13
მონეტარული აგრეგატები	14

“თვის მიმოხილვა“
მომზადებულია საქართველოს ეროვნული ბანკის
მაკროეკონომიკისა და სტატისტიკის დეპარტამენტის მიერ


ინფლაცია

აგვისტოში წლიურმა ინფლაციამ 5.6% შეადგინა, ხოლო ივლისთან შედარებით ფასების საერთო დონემ 0.4%-ით მოიმადა.


მიმდინარე წელს ინფლაციის მაჩვენებლის მთავარი ფაქტორი მსოფლიოში და მათ შორის საქართველოში სანვავზე ფასების ზრდაა. აღნიშნული დინამიკა ძირითადად საერთაშორისო სასაქონლო ბაზრებზე არსებული გეოპოლიტიკური დაძაბულობისა და მიწოდების ჯაჭვების შეფერხებების შედეგია, რამაც ნედლეული ნავთობისა და ნავთობპროდუქტების ფასებზე ზრდის მიმართულებით ზეწოლა წარმოქმნა.

რაც შეეხება შედარებით ხისტი ფასების საზომებს, საბაზო ინფლაციამ, რომელიც სამომხმარებლო კალათიდან მერყევ სურსათის, ენერგომომარებლების და სიგარეტის ფასებს გამოირიცხავს, აგვისტოში 3.6% შეადგინა, ხოლო მომსახურების ინფლაცია 4.4%-ს გაუცოლდა.

თვის ინფლაცია 0.4% (მნიშვნელოვანი წვლილები)



წლიური ინფლაცია 5.6% (მნიშვნელოვანი წვლილები)




წყარო: საქსტატი; საქართველოს ეროვნული ბანკის გაანგარიშებები

აგვისტოში გასულ თვესთან შედარებით, აღსანიშნავია სანვავის გაძვირება, რამაც თვის ინფლაცია 0.19 პროცენტული პუნქტით (პპ) გაზარდა. სეზონური ფაქტორების გამო საზამთროს, ვაშლის, აჭმის და ყურძნის გაიაფებამ თვის ინფლაცია ჯამში 0.17 პპ-ით შეამცირა.

წლიურ ჭრილში ბენზინი და დიზელი შესაბამისად, 23% და 40%-ით გაძვირებულია, ხოლო ჯამში სანვავის გავლენა ინფლაციაზე 1.1 პპ-ს შეადგენს. ინფლაციის მაჩვენებელზე სურსათი კვლავ მნიშვნელოვან გავლენას ახდენს, თუმცა მისი წვლილი წლის საწყის თვეებთან შედარებით შემცირებულია. ივლისში სურსათის და უალკოჰოლო სასმელების ინფლაციამ 5.0%, ხოლო წვლილმა ინფლაციაში 1.7 პპ შეადგინა. აქედან ყველაზე დიდი გავლენა პურს (0.5 პპ) და ძროხის ხორცს (0.5 პპ) ჰქონდა. სხვა პროდუქტებიდან აღსანიშნავია ელექტროენერგიის გადასახდელის (0.5 პპ) და ჯანდაცვის (0.4 პპ) წვლილები.


წლიურ ინფლაციაზე შემცირების მიმართულებით მნიშვნელოვან გავლენას ხანგრძლივი მოხმარების საქონლის გაიაფება ახდენს. კერძოდ, ზოგიერთი საყოფაცხოვრებო ტექნიკის (ტელევიზორი, მაგივარი, სარეცხი მანქანა) ფასების კლებამ მთლიანი ინფლაცია 0.18 პპ-ით შეამცირა.

მთლიანი და საბაზო ინფლაცია




წყარო: საქსტატი

ჯგუფების წვლილი მთლიან ინფლაციაში



წყარო: საქსტატი; საქართველოს ეროვნული ბანკის გაანგარიშებები

აგვისტოში ადგილობრივად წარმოებული პროდუქტების წლიურმა ინფლაციამ 5.9% შეადგინა. ადგილობრივ ინფლაციაზე ყველაზე დიდი გავლენა პურის, ხორცისა და ყველის ფასებს აქვს (ჯამში 2.9 პპ). შერეულად წარმოებული პროდუქტების ინფლაციაში (5.3%) ყველაზე მნიშვნელოვანი წვლილები ელექტროენერგიის გადასახდელზე (1.8 პპ) მხესუმხირის ზეთსა (0.9 პპ) და ოქროს ბეჭედზე (0.7 პპ) მოდიოდა. იმპორტირებულმა ინფლაციამ 5.7% შეადგინა, რაც ძირითადად სანვავის ფასების გაძვირებით აიხსნება (4.6 პპ).



წყარო: საქსტატი



წყარო: საქსტატი


ინფლაცია ჯგუფების მიხედვით	2026 წლის წონები	აგვ26/ივლ26		აგვ26/აგვ25	
		ინფლაცია	წვლილი	ინფლაცია	წვლილი
სულ	100.0%	0.4%	0.4%	5.6%	5.6%
სურსათი და უალკოჰოლო სასმელები	33.6%	0.2%	0.1%	5.0%	1.7%
სურსათი	30.8%	0.2%	0.1%	5.3%	1.6%
პური და პურპროდუქტები	6.3%	-0.2%	0.0%	7.1%	0.4%
ხორცი და ხორცპროდუქტები	7.0%	0.6%	0.0%	9.8%	0.7%
თევზეული	0.5%	1.5%	0.0%	18.1%	0.1%
რძე, ყველი და კვერცხი	6.3%	1.8%	0.1%	2.9%	0.2%
ზეთი და ცხიმო	2.7%	-0.3%	0.0%	7.8%	0.2%
ხილი, ყურძენი	1.8%	-4.5%	-0.1%	-6.1%	-0.1%
ბოსტნეული, ბალჩეული, კარტოფილის და სხვა ბოლქოვანების ჩათვლით	3.0%	-0.1%	0.0%	5.5%	0.2%
შაქარი, ჯემი, თაფლი, სიროფები, შოკოლადი, საკონდიტრო ნაწარმი	2.8%	0.4%	0.0%	1.9%	0.1%
კვების სხვა პროდუქტები	0.6%	0.1%	0.0%	-0.5%	0.0%
უალკოჰოლო სასმელები	2.8%	-0.6%	0.0%	2.1%	0.1%
ალკოჰოლური სასმელები და თამბაქო	6.6%	0.6%	0.0%	5.5%	0.4%
ტანსაცმელი და ფეხსაცმელი	4.3%	-2.5%	-0.1%	0.6%	0.0%
საცხოვრებელი სახლი, წყალი, ელექტროენერგია, აირი და სათბობის სხვა სახეები	9.7%	0.5%	0.0%	8.5%	0.8%
ავეჯი, საოჯახო ნივთები და მორთულობა, სახლის მოვლა-შეკეთება	5.0%	0.3%	0.0%	-1.8%	-0.1%
ჯანმრთელობის დაცვა	8.3%	0.6%	0.0%	5.2%	0.4%
ტრანსპორტი	11.4%	2.2%	0.3%	15.2%	1.8%
კავშირგაბმულობა	3.1%	0.1%	0.0%	-7.5%	-0.3%
დასვენება, გართობა და კულტურა	4.2%	0.9%	0.0%	1.5%	0.1%
განათლება	5.3%	0.0%	0.0%	2.4%	0.1%
სასტუმროები, კაფეები და რესტორნები	3.3%	-0.4%	0.0%	6.8%	0.2%
სხვადასხვა საქონელი და მომსახურება	5.1%	0.1%	0.0%	7.1%	0.4%
ხანმოკლე მოხმარების საქონელი	59.8%	0.6%	0.3%	7.3%	4.4%
საშუალო ხანგრძლივობის მოხმარების საქონელი	7.9%	-1.5%	-0.1%	0.8%	0.1%
ხანგრძლივი მოხმარების საქონელი	5.6%	0.4%	0.0%	-0.7%	0.0%
მომსახურება	26.7%	0.6%	0.2%	4.4%	1.2%

წყარო: საქსტატი

საბანკო სექტორი


ივლისში, საბანკო სექტორის სადეპოზიტო ვალდებულებები წლიურად 12.0 მლრდ ლარით გაიზარდა (გაცვლითი კურსის ეფექტის გამორიცხვით 20.9%-ით) და 73.9 მლრდ ლარი შეადგინა. თვის წრილში კი, იმავე მაჩვენებელმა 0.4 მლრდ ლარით მოიმატა (გაცვლითი კურსის ეფექტის გამორიცხვით 0.8%-ით). ეროვნული ვალუტის სადეპოზიტო ვალდებულებები წინა წლის შესაბამის პერიოდთან შედარებით 10.8 მლრდ ლარით (34.6%-ით), ხოლო წინა თვესთან შედარებით 0.7 მლრდ ლარით (1.7%-ით) გაიზარდა და 42.0 მლრდ ლარი შეადგინა. რაც შეეხება უცხოური ვალუტის დეპოზიტებს, მისმა მოცულობამ წლიურად 1.2 მლრდ ლარით მოიმატა (გაცვლითი კურსის ეფექტის გამორიცხვით 7%-ით), ხოლო წინა თვესთან შედარებით, 0.3 მლრდ ლარით შემცირდა (გაცვლითი კურსის ეფექტის გამორიცხვით -0.4%-ით) 31.9 მლრდ ლარის ეკვივალენტამდე.

სადეპოზიტო ვალდებულებები



წყარო: საქართველოს ეროვნული ბანკი


სადეპოზიტო ვალდებულებები



წყარო: საქართველოს ეროვნული ბანკი


ივლისში, მთლიანი დეპოზიტების საშუალო შეწონილი საპროცენტო განაკვეთები (მთავრობის დეპოზიტებზე არსებული საპროცენტო განაკვეთების გარეშე), წინა თვესთან შედარებით უმნიშვნელოდ, 0.1 პპ-ით გაიზარდა და 5.6% შეადგინა. ეროვნული ვალუტით განთავსებულ დეპოზიტებზე საპროცენტო განაკვეთიც გაზრდილია დაახლოებით 0.1 პპ-ით და 7.0%-ს შეადგენს. უცხოური ვალუტით დენომინირებულ დეპოზიტებზეც საშუალო შეწონილი წლიური საპროცენტო განაკვეთი 0.1 პპ-ით გაიზარდა 1.7%-მდე. რეზიდენტები შინამეურნეოების ლარის ვადიანი დეპოზიტების საპროცენტო განაკვეთები კი 0.1 პპ-ით 9.9%-მდე გაიზარდა, მეორე მხრივ, ევროს ვადიანი დეპოზიტების საპროცენტო განაკვეთი 0.5 პპ-ით 1.5%-მდე შემცირდა, ხოლო რეზიდენტები შინამეურნეოების აშშ დოლარით განთავსებული დეპოზიტების საპროცენტო განაკვეთი თითქმის უცვლელად 2.6%-ზე შენარჩუნდა.

დეპოზიტების საპროცენტო განაკვეთები (მთავრობის გარეშე, ნაპალი)



წყარო: საქართველოს ეროვნული ბანკი


რეზიდენტების ვადიანი დეპოზიტების საპროცენტო განაკვეთები ვალუტების მიხედვით (ნაპალი)



წყარო: საქართველოს ეროვნული ბანკი


დეპოზიტების დოლარიზაცია ივლისში 0.5 პპ-ით შემცირდა და 43.2% შეადგინა. ივლისის ბოლოს, შემცირებულია როგორც ფიზიკური პირების, ისე იურიდიული პირების დეპოზიტების დოლარიზაციის მაჩვენებელი. კერძოდ, ფიზიკური პირების დეპოზიტების დოლარიზაცია 0.4 პპ-ით, 57.6%-მდე შემცირდა. იურიდიული პირების დეპოზიტების დოლარიზაციამ კი 1.3 პპ-ით, 34.1%-მდე მოიკლო. ამასთან, ფიზიკური პირების ვადიანი დეპოზიტების დოლარიზაცია, ივლისში, წინა თვესთან შედარებით 0.1 პპ-ით, 51.5%-მდე შემცირდა.

**დამოზიდავის დოლარიზაცია
(კურსის ეფექტის გამორიცხვით)**



წყარო: საქართველოს ეროვნული ბანკი


**ფიზიკური პირების ვალდანი დამოზიდავის დოლარიზაცია
(კურსის ეფექტის გამორიცხვით)**



წყარო: საქართველოს ეროვნული ბანკი


ივლისში, გაცვლითი კურსის ეფექტის გამორიცხვით, სესხების ზრდის ტემპი 0.2 პპ-ით გაიზარდა და წლიური მაჩვენებელი 14.7%-ს გაუტოლდა. ზრდის ტემპის დაჩქარება უცხოურ ვალუტაში დაკრედიტების ზრდის ტემპის მატებამ განაპირობა. კერძოდ, უცხოური ვალუტის სესხების ზრდის ტემპი 0.8 პპ-ით, 15%-მდე, გაიზარდა, ხოლო ეროვნული ვალუტით დაკრედიტების წლიური ზრდის ტემპი თვის წრილში 0.3 პპ-ით შემცირდა 14.4%-მდე. მთლიანი სესხების ზრდაში დაახლოებით 8.4 პპ-იანი წვლილი ლარის, ხოლო 6.3 პპ-იანი - უცხოური ვალუტის დაკრედიტებამ შეიტანა. საკრედიტო პორტფელის მიზნობრიობის წრილში, დაკრედიტების ზრდის ტემპის მატება, მეცნილად, იპოთეკური, სამომხმარებლო და ბიზნესის ციპის სესხებით აიხსნება. კერძოდ, მთლიან დაკრედიტებაში იპოთეკური სესხების წვლილი 0.2 პპ-ით, 2.9 პპ-მდე გაიზარდა, ხოლო სამომხმარებლო და ბიზნესის სესხების წვლილი - თითოეული 0.1 პპ-ით, შესაბამისად, 4.2 და 6.9 პპ-მდე.

**სესხების წლიური ზრდის ტემპი
(წლილი ზრდაში; კურსის ეფექტის გამორიცხვით)**



წყარო: საქართველოს ეროვნული ბანკი

**სესხები მიზნობრიობის მიხედვით
(წლილი ზრდაში; კურსის ეფექტის გამორიცხვით)**



წყარო: საქართველოს ეროვნული ბანკი

ივლისში, სესხების საშუალო შეწონილი საპროცენტო განაკვეთი, წინა თვესთან შედარებით, 0.4 პპ-ით 13.5%-მდე გაიზარდა. კერძოდ, ეროვნული ვალუტით გაცემულ კრედიტებზე საპროცენტო განაკვეთი 0.4 პპ-ით 15.7%-მდე, ხოლო უცხოური ვალუტით გაცემული სესხების საპროცენტო განაკვეთი თითქმის უცვლელად შენარჩუნდა 9.2%-ის დონეზე.

**საპროცენტო განაკვეთები იურიდიულ პირებზე
გაცემულ სესხებზე (ნაპალი)**



წყარო: საქართველოს ეროვნული ბანკი

საპროცენტო განაკვეთები იპოთეკურ სესხებზე (ნაპალი)




წყარო: საქართველოს ეროვნული ბანკი

ივლისში იურიდიული პირების საპროცენტო განაკვეთები ეროვნული ვალუტით 0.2 პპ-ით, 12.9% მდე გაიზარდა. მეორე მხრივ, იურიდიული პირების უცხოური ვალუტის სესხების საპროცენტო განაკვეთი 0.2 პპ-ით შემცირდა და 9.4% შეადგინა. რაც შეეხება იპოთეკურ სესხებს, საპროცენტო განაკვეთები ეროვნულ ვალუტაში 0.1 პპ-ით შემცირდა და 11.4% შეადგინა. ხოლო უცხოური ვალუტის საპროცენტო განაკვეთი კი 0.05 პპ-ით 7.7%-მდე შემცირდა.


ივლისში მთლიანი საკრედიტო პორტფელის დოლარიზაციამ 41.3% შეადგინა. იურიდიული პირების სესხების დოლარიზაცია, წინა თვესთან შედარებით, 0.5 პპ-ით გაიზარდა და 66.5% შეადგინა. ხოლო, ფიზიკური პირების სესხების დოლარიზაცია 0.3 პპ-ით 20.7%-მდე შემცირდა. ივლისში, ვადაგადაცილებული სესხები, წინა თვესთან შედარებით, 167.3 მლნ ლარით გაიზარდა და 818.4 მლნ ლარს გაუტოლდა. ვადაგადაცილებული სესხების 34.2% ეროვნული ვალუტით არის დენომინირებული.

დოლარიზაცია (კურსის ეფექტის გაგორისხვით)



წყარო: საქართველოს ეროვნული ბანკი

ვადაგადაცილებული დავალიანება




წყარო: საქართველოს ეროვნული ბანკი

საგარეო სექტორი

2026 წლის ივლისში საქონლის რეგისტრირებული საგარეო ვაჭრობის დეფიციტი, წინა წლის შესაბამის თვესთან შედარებით, 9.0%-ით გაუმჯობესდა და -909.1 მლნ აშშ დოლარი შეადგინა. აღნიშნულ პერიოდში საქონლის იმპორტი წლიურად 5.8%-ით გაიზარდა და 1.7 მლრდ აშშ დოლარს გაუტოლდა, ხოლო ექსპორტი 30.0%-ით გაიზარდა და 793.9 მლნ აშშ დოლარი შეადგინა. აქედან, მსუბუქი ავტომობილების კონტრიბუციამ ექსპორტში -6.4 პპ, ხოლო იმპორტში -4.2 პპ შეადგინა. აღსანიშნავია, რომ მსუბუქი ავტომობილების რექსპორტის გამოკლებით, საქონლის იმპორტის რეალურმა წლიურმა ზრდამ 4.2%, ხოლო ექსპორტის რეალურმა ზრდამ 49.5% შეადგინა.

ამასთან, ადგილობრივი ექსპორტის ზრდა 2026 წლის ივლისშიც გაგრძელდა და წლიურად 72.5%-იანი ზრდის შედეგად 462.5 მლნ აშშ დოლარს გაუტოლდა.

საქონლის ექსპორტ-იმპორტისა და საგარეო ბალანსის დინამიკა (მლნ აშშ დოლარი)




წყარო: საქსტატი

იმპორტი - ივლისში იმპორტის ზრდა ძირითადად შუალედური მოხმარების საქონლის იმპორტის ზრდამ განაპირობა, რომლის კონტრიბუციამ 6.5 პპ შეადგინა. სამომხმარებლო დანიშნულების საქონლის იმპორტი უმნიშვნელოდ გაიზარდა, ხოლო საინვესტიციო დანიშნულების საქონლის იმპორტი შემცირების მიმართულებით მოქმედებდა -0.7 პპ წვლილით.

შუალედური მოხმარების საქონლის კატეგორიაში გაზრდილია ნედლი ნავთობისა და ნახევარგამდგარების იმპორტი.


სამომხმარებლო საქონელში ერთი მხრივ, მნიშვნელოვნად შემცირდა მსუბუქი ავტომობილების იმპორტი, რომლის წვლილმა აღნიშნული ციკლის საქონლის იმპორტში -10.3 პპ შეადგინა. მეორეს მხრივ, გაიზარდა ნავთობპროდუქტების იმპორტი.

საგარეო ბალანსი ქვეყნების მიხედვით (ივლისი, 2026)




წყარო: საქსტატი

საქონლის იმპორტი სასაქონლო კატეგორიების მიხედვით (წვლილი ზრდაში)



წყარო: საქსტატი

საქონლის იმპორტი (წილი მთლიან იმპორტში)



წყარო: საქსტატი

ქვეყნების ჯგუფის შრილში, ივლისის იმპორტის წლიურ ცვლილებაში ევროკავშირის ქვეყნები მცირედი ზრდის მიმართულებით მოქმედებდა, 0.2 პპ წვლილით. აღნიშნული ქვეყნების ჯგუფში, სასაქონლო შრილში კლებას განაგრძობს მსუბუქი ავტომობილების იმპორტი. შედეგად, ევროკავშირის წილი ავტომობილების მთლიან იმპორტში წლიურად 19.8%-დან 14.7%-მდე შემცირდა. მეორეს მხრივ, გაზრდილია ნავთობპროდუქტების იმპორტი.


ქვეყნებს შორის იმპორტის ზრდის მიმართულებით ყველაზე დიდი წვლილი რუსეთსა და ჩინეთს ჰქონდა. ასევე გაზრდილი იყო იმპორტი იაპონიიდან და აზერბაიჯანიდან. საპირისპიროდ, შემცირებულია აშშ-დან იმპორტზე დანახარჯები (მსუბუქი ავტომობილების გამო).

რუსეთიდან იმპორტის ზრდა ძირითადად ნედლი ნავთობის შემოტანას უკავშირდება, ხოლო ნავთობპროდუქტების იმპორტი შემცირებულია. ჩინეთიდან გაიზარდა სამრეწველო საქონლის იმპორტი, ხოლო აზერბაიჯანიდან - მსუბუქი ავტომობილებისა და ნავთობპროდუქტების იმპორტი. იაპონიიდან გაიზარდა მსუბუქი ავტომობილების იმპორტი.


აღნიშნულ თვეში, ევროკავშირისა და 4 ძირითად სავაჭრო პარტნიორ ქვეყანაზე მთლიანი იმპორტის 76.6% მოდიოდა.

აღსანიშნავია, რომ პროდუქტების შრილში, ივლისში იმპორტირებულ საქონელში წამყვანი წილი მსუბუქი ავტომობილებისა და ნავთობპროდუქტების იმპორტს ეკავა. მაღალი წილის მიუხედავად, მსუბუქ ავტომობილებს კლებაში ყველაზე მაღალი წვლილი ჰქონდა.

ქვეყნების წილი საქონლის იმპორტში (ივლისი, 2026)




საქონლის ექსპორტის წლიური ზრდა (მსუბუქი ავტომობილების რეალური ზრდას გამოკლებით)




წყარო: საქსტატი; საქართველოს ეროვნული ბანკის გაანგარიშება

საქონლის იმპორტის წლიური ზრდა (მსუბუქი ავტომობილების რეალური ზრდას გამოკლებით)



საქონლის ექსპორტი სასაქონლო კატეგორიების მიხედვით (წვლილი ზრდაში)



წყარო: საქსტატი



ექსპორტი - ივლისში საქონლის რეგისტრირებული ექსპორტის წლიური ზრდა ძირითადად სამომხმარებლო (15.4 პპ წვლილით) და შუალედური მოხმარების (13.8 პპ წვლილით) საქონლის ექსპორტის ზრდამ განაპირობა. ასევე გაზრდილია საინვესტიციო საქონლის ექსპორტიც (0.8 პპ წვლილით).

სამომხმარებლო საქონლის ჯგუფიდან გაზრდილია ნავთობპროდუქტებისა და ხილის ექსპორტი, ხოლო მსუბუქი ავტომობილების რეექსპორტი განაგრძობდა შემცირებას, აღნიშნული ციპის საქონლის ექსპორტში -4.0 პპ წვლილით.

შუალედური მოხმარების საქონლის ჯგუფიდან გაზრდილი იყო ადგილობრივი წარმოების პროდუქტების, ძვირფასი ლითონების მადნებისა და ფეროშენადნობების ექსპორტი.

საქონლის ექსპორტი სასაქონლო კატეგორიების მიხედვით (ივლისი 2026, წილი ექსპორტში)

ქვეყნების წილი საქონლის ექსპორტში (ივლისი, 2026)



წყარო: საქსტატი

წყარო: საქსტატი; საქართველოს ეროვნული ბანკის გაანგარიშება

ქვეყნების ჯგუფის ქრილში, ივლისის ექსპორტის წლიურ ცვლილებაში, ევროკავშირის ქვეყნებიდან მიღებული საექსპორტო შემოსავლების წვლილმა -2.5 პპ შეადგინა. ეს ძირითადად ძვირფასი ლითონების მადნებისა და მინერალური სასუბუქების ექსპორტის კლებას უკავშირდება.

ამავე პერიოდში, ქვეყნებს შორის, საექსპორტო შემოსავლები ძირითადად ჩინეთიდან, ცოგოდან, ირანიდან და რუსეთიდან გაიზარდა. თუმცა ექსპორტი ცენტრალური აზიის ქვეყნებში შემცირებულია, მსუბუქი ავტომობილების რეექსპორტის კლების შედეგად.

ჩინეთში გაზრდილია ძვირფასი ლითონებისა და სპილენძის მადნების ექსპორტი. ირანიდან საექსპორტო შემოსავლების ზრდა მსუბუქ ავტომობილებს უკავშირდება.

ივლისში საქონლის ექსპორტის უდიდესი წილი მსუბუქ ავტომობილებს (28.1%-იანი წილი მთლიან ექსპორტში) ეჭირა. ძირითადი საექსპორტო პროდუქტებიდან გაზრდილია ძვირფასი ლითონების მადნებისა, ფეროშენადნობებისა და ხილის ექსპორტიდან მიღებული შემოსავლები.



წინა წელთან შედარებით სასაქონლო ჯგუფების მიხედვით ექსპორტი უფრო მეტად დივერსიფიცირებული იყო.

ფულადი გზავნილები - ივლისში საქართველოში გადმორიცხული ფულადი გზავნილების მოცულობა წლიურად 3.9%-ით, 350.0 მლნ აშშ დოლარამდე, გაიზარდა. ხოლო საქართველოდან გადარიცხული თანხების მოცულობა 4.7%-ით, 39.0 მლნ აშშ დოლარამდე. ზრდაში წამყვანი წვლილი აშშ-დან მიღებულმა ფულადმა გზავნილებმა (2.0 პპ) შეიძინა წლიური 11.2%-იანი ზრდით. ისრაელიდან მიღებული ფულადი გზავნილებიც გაიზარდა წლიურად 21.6%-ით (წვლილი 1.5 პპ). ევროკავშირიდან გზავნილების ზრდამ წლიურად 2.4%, ხოლო წვლილმა ზრდაში 1.1 პპ შეადგინა.

ივლისში ფულადი გზავნილების ძირითად წყაროს ევროკავშირის ქვეყნები (43.7%), აშშ (19.4%) და რუსეთი (12.0%) წარმოადგენდა. ევროკავშირის ქვეყნებიდან აღსანიშნავია იტალიის (16.0%), გერმანიის (9.1%) და საბერძნეთის (8.0%) მაღალი წილი.

ქვეყნების წილი სწრაფ ფულად გზავნილებში (ივლისი 2026)

ფულადი გზავნილების ზრდა (წვლილი ზრდაში ქვეყნების მიხედვით)




წყარო: საქართველოს ეროვნული ბანკი

წყარო: საქართველოს ეროვნული ბანკი

სავალუტო ბაზარი


ივლისში წინა თვესთან შედარებით, ლარის საშუალო გაცვლითი კურსი აშშ დოლარის მიმართ 2.6561-დან 2.6346-მდე (0.8%-ით), ხოლო ევროს მიმართ 3.0621-დან 3.0084-მდე (1.8%-ით) გამყარდა. თვის ბოლოს ლარის ოფიციალურმა გაცვლითმა კურსმა აშშ დოლარისა და ევროს მიმართ 2.6266 და 3.0159 შეადგინა. აღნიშნულ პერიოდში ლარი-დოლარის გაცვლითი კურსის მაქსიმალური მნიშვნელობა 2.6444 იყო, მინიმალური კი - 2.6266.

ლარის ნომინალური გაცვლითი კურსი აშშ დოლარისა და ევროს მიმართ



წყარო: საქართველოს ეროვნული ბანკი

ლარი/დოლარის გაცვლითი კურსის ყოველთვიური მერყეობის დიაგრამა




წყარო: საქართველოს ეროვნული ბანკი

ივლისში, საშუალო კურსთან შედარებით, გაცვლითი კურსის მაქსიმალური მნიშვნელობა მინიმალურზე მეტად მცირედით იყო გადახრილი.


ივლისში, საშუალოდ დოლართან მიმართებაში, თურქულმა ლირამ, როგორც თვის, ასევე წლიურ ჭრილში გაუფასურება განაგრძო. თვის ჭრილში, ასევე გაუფასურდა ევრო და რუსული რუბლი. მცირედ გამყარდა სომხური დრამი, აზერბაიჯანული მანათი კი პრაქტიკულად არ შეცვლილა. რაც შეეხება ლარს, გამყარება შეინიშნება როგორც თვიურ, ასევე წლიურ დონეზე. შედეგად, ლარის ნომინალური ეფექტური გაცვლითი კურსი გამყარდა (NEER) როგორც თვიურ, ისე წლიურ ჭრილში. კერძოდ, ივლისში წლიურად 5.7%-ით, თვის ჭრილში კი 2.2%-ით გამყარდა.

თვის განმავლობაში საშუალო კურსიდან გადახრა (ლარი/დოლარი)



წყარო: საქართველოს ეროვნული ბანკი

კირითადი სავაჭრო პარტნიორების საშუალო თვიური გაცვლითი კურსების¹ თვიური ცვლილება დოლართან მიმართებაში, 2026 წლის ივლისი (ზრდა=გაუფასურება)



წყარო: საქართველოს ეროვნული ბანკი


რაც შეეხება ლარის რეალურ ეფექტურ გაცვლით კურსს (REER), იგი წლიურად 3.0%-ით, თვის ჭრილში კი 1.3%-ით გამყარდა. NEER-ის გამყარება REER-ზე გამყარების მიმართულებით აისახებოდა, თუმცა წლის ჭრილში ცალკეულ ქვეყნებთან (მათ შორის თურქეთთან) ინფლაციითა მალალი დიფერენციალი REER-ზე გაუფასურების მიმართულებით აისახებოდა. ჯამურად, ნომინალური კურსის გამყარება და ინფლაციითა შორის დიფერენციალი ერთმანეთს მეტ-ნაკლებად აბალანსებს, რაც ბოლო თვეებში რეალური ეფექტური გაცვლითი კურსის დონის მის წონასწორულ დონესთან ახლოს შენარჩუნებას განაპირობებს.

¹წყარო: საქართველოს ეროვნული ბანკი <https://nbg.gov.ge/statistics/statistics-data>

ზოგადად, ეფექტური კურსის გამყარება ქვეყნის კონკურენტუნარიანობაზე უარყოფითად აისახება, თუმცა იმპორტულ ინფლაციაზე შემცირების მიმართულებით მოქმედებს. ბოლო პერიოდში, REER-ის გავლენა საექსპორტო საქონლის კონკურენტუნარიანობაზე მეტწილად ნეიტრალურია.


გლობალურად მომადებული გაურკვევლობის და გაზრდილი ინფლაციური რისკების ფონზე ძირითადი სავაჭრო პარტნიორი ქვეყნების ინფლაციები გაიზარდა.

ლარის ნომინალური და რეალური ეფექტური გაცვლითი კურსის ინდექსები (იან.2020=100)



წყარო: საქართველოს ეროვნული ბანკი

სავაჭრო პარტნიორი ქვეყნების ინფლაციები, 2026 წლის ივლისი



წყარო: საქართველოს ეროვნული ბანკი

სავალუტო ბაზრის დანდნისებები


ივლისში ბანკთაშორის სავალუტო ბაზარზე მონაწილეობდა 15 კომერციული ბანკი, 2 მიკრობანკი და 8² არასაბანკო ორგანიზაცია. სავალუტო ბაზრის მაჩვენებლების მიხედვით ჰერფინდალ-ჰირშმანის ინდექსი დაბალ დონეზე ნარჩუნდება, რაც სავალუტო ბაზრის დაბალ კონცენტრაციასა და მონაწილეებს შორის აქტივობის შედარებით დივერსიფიცირებულ განაწილებაზე მიუთითებს. აღნიშნული კი სავალუტო ბაზრის მაღალი კონკურენტუნარიანობის ერთ-ერთი ინდიკატორია.

ბანკთაშორის სავალუტო ბაზრის მთლიანი სავაჭრო ბრუნვა

ბანკთაშორის სავალუტო ბაზრის კონცენტრაციის მაჩვენებლები 5 ყველაზე აქტიური ორგანიზაციის წილების მიხედვით



წყარო: საქართველოს ეროვნული ბანკი




წყარო: საქართველოს ეროვნული ბანკი

ივლისში ბანკთაშორის სავალუტო ბაზარზე ვაჭრობის მოცულობა წლიურად გაზრდილია, თვის ჭრილში კი შემცირებული. აღნიშნულ თვეში აშშ დოლარი/ლარის ვაჭრობის მთლიანმა ბრუნვამ 628.5 მლნ აშშ დოლარი შეადგინა, რაც წინა თვესთან შედარებით 140.3 მლნ აშშ დოლარით ნაკლები, ხოლო წინა წლის ივლისთან შედარებით - 116.6 მლნ აშშ დოლარით მეტია. ბაზრის მონაწილეებს შორის დადებული გარიგებების რაოდენობა წინა თვესთან შედარებით 0.4%-ით, წლიურად კი 37.6%-ით გაიზარდა.


² რომლებიც მონაწილეობენ ბანკთაშორის სავალუტო ბაზარზე დადებულ გარიგებებში.

ივლისში სავალუტო ბაზარზე ყიდვა-გაყიდვების აქტივობები (უცხოური ვალუტით ლარის შეძენა და პირიქით განხორციელებული ტრანზაქციები) თითქმის მთლიანად სპოტ³ გარიგებებით ხდებოდა (98.4%) და მთლიანმა გაჭრობამ 4,589.5 მლნ აშშ დოლარი შეადგინა, რაც წლიურად 104.9 მლნ აშშ დოლარითაა გაზრდილი, ხოლო თვის წრილში - 24.2 მლნ აშშ დოლარით შემცირებული. სპოტ გარიგებების ძირითადი ნაწილი იურიდიულ პირებსა და შინამეურნეოებზე, მცირე კი - არარეზიდენტ ბანკებზე მოდიოდა. საქართველოს ეროვნული ბანკის წილი მთლიან გაჭრობაში 10.6% იყო. წესებზე დაფუძნებული ორმხრივი ინტერვენციების მექანიზმის გამოყენებით, თვის განმავლობაში, ეროვნული ბანკის წმინდა შესყიდვამ 488.2 მლნ აშშ დოლარი შეადგინა.

საბ-ის მონაწილეობა სავალუტო ბაზარზე



სპოტ გარიგებებით უცხოური ვალუტით ვაჭრობა



წყარო: საქართველოს ეროვნული ბანკი

წყარო: საქართველოს ეროვნული ბანკი


ივლისში სპოტ გარიგებებით კომერციული ბანკებისგან დანარჩენი ეკონომიკური აგენტების მიერ უცხოურ ვალუტაზე წლიურად გაზრდილია როგორც მოთხოვნა, ასევე მიწოდება, ხოლო თვის წრილში - შემცირებული.

საერთო ჯამში, წინა წლის შესაბამის პერიოდთან შედარებით, ივლისში სპოტ გარიგებებით კომერციული ბანკებისგან დანარჩენი ეკონომიკური აგენტების მიერ უცხოურ ვალუტაზე მოთხოვნა წლიურად 71.5 მლნ აშშ დოლარით გაიზარდა (თვის წრილში 7.5 მლნ აშშ დოლარით შემცირდა) და 2,446.9 მლნ აშშ დოლარი შეადგინა. ხოლო მიწოდება წლიურად 33.7 მლნ აშშ დოლარით გაიზარდა (თვის წრილში 16.6 მლნ აშშ დოლარით შემცირდა) და 2,151.5 მლნ აშშ დოლარი შეადგინა. სპოტ გარიგებებით როგორც ვალუტის შეძენაში, ისე გაყიდვაში, ყველაზე დიდი წილი იურიდიულ პირებზე მოდიოდა.


ივლისში სავალუტო ფორვარდ⁴ გარიგებებით (უცხოური ვალუტით ლარის შეძენა და პირიქით განხორციელებული ტრანზაქციები) კომერციულ ბანკებსა და სხვა ეკონომიკურ აგენტებს შორის უცხოური ვალუტით ვაჭრობა წლიურად 27.5 მლნ აშშ დოლარით გაიზარდა (თვის წრილში - 51.4 მლნ აშშ დოლარით) და 74.6 მლნ აშშ დოლარი შეადგინა. ფორვარდ გარიგებებით ვაჭრობის ძირითადი ნაწილი იურიდიულ პირებზე მოდიოდა. ფორვარდ გარიგებებით დანარჩენი ეკონომიკური აგენტების მიერ ბანკებისგან უცხოური ვალუტის წმინდა შეძენამ 57.0 მლნ აშშ დოლარი შეადგინა.

სპოტ გარიგებებით შექმნილი და გაყიდული უცხოური ვალუტა

ფორვარდ გარიგებებით უცხოური ვალუტით ვაჭრობა



წყარო: საქართველოს ეროვნული ბანკი





წყარო: საქართველოს ეროვნული ბანკი

³ სპოტ გარიგება ხდება იმავდროული ვალუტირებით, იმ დროისთვის არსებული კურსით.
⁴ სავალუტო ფორვარდული კონტრაქტი არის ფართოდ მოხმარებადი ფინანსური ინსტრუმენტი, რომელიც გამოიყენება სავალუტო რისკების შეფასებისათვის (დაზღვევისათვის). ფორვარდი იძლევა შესაძლებლობას, წინასწარ განსაზღვრული კურსით, დღეს დაიდოს სავალუტო გარიგება ხოლო შესაბამისი ანგარიშსწორება განხორციელდეს მომავალში.

ივლისის მდგომარეობით, წინა თვესთან შედარებით, ოფიციალური საერთაშორისო რეზერვები 404.6 მლნ აშშ დოლარით გაიზარდა. რეზერვების მთლიანმა მოცულობამ კი ისტორიულად მაღალ მაჩვენებელს მიაღწია და 7.5 მლრდ აშშ დოლარს გადააჭარბა. რეზერვებზე ზრდის მიმართულებით მთავრობის მიერ მიღებული სავალუტო ჩარიცხვები, რეზერვებზე საპროცენტო შემოსავლები და სავალუტო ინცერვენციების საშუალებით უცხოური ვალუტის წმინდა შეძენა, ხოლო შემცირების მიმართულებით - მთავრობის სავალუტო ხარჯები (სესხის მომსახურება) მოქმედებდა. თვის განმავლობაში საერთაშორისო ბაზარზე ოქროს ფასი საშუალოდ მნიშვნელოვნად არ შეცვლილა, შედეგად ოქროს გადაფასების ეფექტიც მინიმალურია.

ეროვნული ბანკის ოფიციალური საერთაშორისო რეზერვები

მთლიანი საერთაშორისო რეზერვების თვიური ცვლილება (მიმდინარე კურსით)



წყარო: საქართველოს ეროვნული ბანკი

წყარო: საქართველოს ეროვნული ბანკი



ფულადი ბაზარი

ივლისში სადეპოზიტო სერტიფიკატების ორი აუქციონი ჩატარდა და 20-20 მლნ ლარის ღირებულების სამთვიანი სადეპოზიტო სერტიფიკატი გაიყიდა. ამავე პერიოდში 20 მლნ ლარის ერთი სადეპოზიტო სერტიფიკატი დაიფარა. შესაბამისად, წინა თვესთან შედარებით, სადეპოზიტო სერტიფიკატების ნაშთი 20 მლნ ლარით გაიზარდა და 80 მლნ შეადგინა.

ივლისში სახაზინო ფასიანი ქაღალდების ექვსი აუქციონი ჩატარდა. აღნიშნულ აუქციონებზე ჯამში 180.0 მლნ ლარის ნომინალური ღირებულების სახელმწიფო ფასიანი ქაღალდები განთავსდა. ჩატარებულ აუქციონებზე გაიყიდა 6-თვიანი, ერთწლიანი, სამწლიანი, ხუთწლიანი, რვაწლიანი და ათწლიანი ვადიანობის სახაზინო ფასიანი ქაღალდები, რომლებიც, შესაბამისად, 20, 20, 40, 40, 30 და 30 მლნ ლარის ოდენობით განთავსდა. **სახაზინო ფასიანი ქაღალდების ნაშთი წინა თვესთან შედარებით 106.2 მლნ ლარით გაიზარდა და 12,534.8 მლნ ლარი შეადგინა. მთლიანი პორტფელის 63.6%-ს კომერციული ბანკების, 9.0%-ს ეროვნული ბანკის, 18.6%-ს რეზიდენტების, ხოლო 8.8%-ს არარეზიდენტების მფლობელობაში არსებული სახაზინო ფასიანი ქაღალდები შეადგენს.**

სადეპოზიტო სერტიფიკატების მოცულობა (ნაპალი)

სახაზინო ფასიანი ქაღალდების მოცულობა




წყარო: საქართველოს ეროვნული ბანკი

წყარო: საქართველოს ეროვნული ბანკი


ივლისში სადებოზიტო სერტიფიკატების საპროცენტო განაკვეთი უმნიშვნელოდ შემცირდა. კერძოდ, ივლისის ბოლოს, წინა თვის შესაბამის პერიოდთან შედარებით, სადებოზიტო სერტიფიკატების საშუალო შეწონილი საპროცენტო განაკვეთი 0.01 პპ-ით, 8.1%-მდე შემცირდა. ამავე პერიოდში, 6-თვიანი სახაზინო ვალდებულებების საპროცენტო განაკვეთი 0.7 პპ-ით გაიზარდა და 8.9% შეადგინა, ხოლო ერთწლიანი სახაზინო ვალდებულებების საპროცენტო განაკვეთი 0.01 პპ-ით შემცირდა, თუმცა კვლავ 8.2%-ზე რჩება. 3- და 5-წლიანი სახაზინო ობლიგაციების საპროცენტო განაკვეთები დაახლოებით 0.1 პპ-ით შემცირდა და ორივემ 8.4% შეადგინა. ამასთან, 8-10-წლიანი სახაზინო ობლიგაციების საპროცენტო განაკვეთი 0.2 პპ-ით, 9.1%-მდე შემცირდა.

ფულადი ბაზრის საპროცენტო განაკვეთები



წყარო: საქართველოს ეროვნული ბანკი

ლარის შემოსავლიანობის მრუდი




წყარო: საქართველოს ეროვნული ბანკი

ივლისში ბანკთაშორისი ფულადი ბაზრის მოცულობა თვის წრილში 1,491.9 მლნ ლარით, 22,729.8 მლნ ლარამდე შემცირდა (თუმცა, წლიურად 1,534.2 მლნ ლარით გაიზარდა), რაც მეცნილად უცხოური ვალუდის რესურსით არის განპირობებული. ბანკთაშორისი ფულადი ბაზრის დიდი წილი უცხოური ვალუდის ბრუნვაზე მოდის (78.5%), რომლის მოცულობაც თვის წრილში 861.9 მლნ ლარით (4.6%-ით) შემცირდა. ლარის რესურსის ბრუნვის მოცულობამ კი თვის წრილში 629.1 მლნ ლარით (11.4%-ით) დაიკლო.

რაც შეეხება საპროცენტო განაკვეთებს, ბანკთაშორის ბაზარზე ლარის საშუალო შეწონილი საპროცენტო განაკვეთი თვის წრილში 0.2 პპ-ით შემცირდა და 7.7% შეადგინა. უცხოური ვალუდის საშუალო შეწონილი საპროცენტო განაკვეთი მცირედით (0.04 პპ-ით) გაიზარდა და 1.6%-ზე შენარჩუნდა.

აღსანიშნავია, რომ ივლისში ფულადი ბაზრის რესურსის 29.9% ერთ თვემდე ვადიანობის დებოზიტებზე, ხოლო 69.7% კი მიმდინარე ანგარიშებზე განთავსებულ რესურსზე მოდიოდა.

ბანკთაშორისი ფულადი ბაზარი



წყარო: საქართველოს ეროვნული ბანკი


მონეტარული აკრედიტები

ივლისში, წინა თვესთან შედარებით, სარეზერვო ფულის მოცულობა 544.5 მლნ ლარით (5.9%-ით) გაიზარდა და პერიოდის ბოლოსთვის, დაახლოებით, 9.8 მლრდ ლარი შეადგინა. საშუალო მაჩვენებლის მიხედვით კი, წინა თვესთან შედარებით, 259.3 მლნ ლარით (2.9%-ით) გაიზარდა.


ივლისში, სავალუტო აუქციონების გამოყენებით ეროვნულ ბანკს ოპერაციები არ განუხორციელებია. BMatch პლატფორმის წესებზე დაფუძნებული მექანიზმის გამოყენებით ეროვნული ბანკის წმინდა სავალუტო შესყიდვებმა თვის განმავლობაში 488.2 მლნ აშშ დოლარი შეადგინა. ამასთან, შიდა სამთავრობო კონვერტაციებით ეროვნული ბანკის წმინდა სავალუტო გაყიდვებმა 69.2 მლნ აშშ დოლარი შეადგინა. აღნიშნული ოპერაციების შედეგად, წმინდა უცხოური აქტივები 419.0 მლნ აშშ დოლარით გაიზარდა.

ივლისში, მთავრობის დეპოზიტებზე არსებული სახსრები 88.9 მლნ ლარით გაიზარდა და მისი მოცულობა პერიოდის ბოლოსთვის, 946.3 მლნ ლარს გაუცოლდა.

სარეზერვო ფულის თვიური ცვლილება კომპონენტების მიხედვით



ფულადი აკრედიტები




წყარო: საქართველოს ეროვნული ბანკი

წყარო: საქართველოს ეროვნული ბანკი

ივლისში, ნაღდ ფულზე მოთხოვნა 235.1 მლნ ლარით გაიზარდა. ამასთან რეფინანსირების სესხების მოცულობა, წინა თვესთან შედარებით, 95.0 მლნ ლარით შემცირდა. ერთდღიანი სესხის ნაშთი კი 150.0 მლნ ლარით გაიზარდა. ივლისში დაიფარა 20.0 მლნ ლარის ნომინალური ღირებულების სადეპოზიტო სერტიფიკატები და განხორციელდა 40.0 მლნ ლარის სადეპოზიტო სერთიფიკატის განთავსება. მეორად ბაზარზე, სახაზინო ფასიანი ქაღალდების შესყიდვის ოპერაციები არ განხორციელებულა. მთლიანობაში, ივლისში ბანკების წმინდა დავალიანების მოცულობა 464.6 მლნ ლარით შემცირდა და პერიოდის ბოლოსთვის, 371.8 მლნ ლარს გაუცოლდა.


ივლისში ფართო ფულის M3 აგრეგატის მოცულობა თვიურად 0.5 მლრდ ლარით, ხოლო M2 აგრეგატის მოცულობა კი დაახლოებით 1.0 მლრდ ლარით გაიზარდა.

საბანკო სექტორის ლიკვიდობაზე მომხდელი ფაქტორები



წყარო: საქართველოს ეროვნული ბანკი

მონეტარული ოპერაციები



წყარო: საქართველოს ეროვნული ბანკი

საქართველოს ეროვნული ბანკი 0114, ზვიად გამსახურდიას სანაპირო N1
ტელ: 240 64 88; ფაქსი: 240 65 77; ცხელი ხაზი: 240 64 06
ელ ფოსტა: info@nbg.ge; www.nbg.ge

